

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Wie Sifrit ze Lande mit sinem Wibe kem

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

2507 Nu was der herre sifrit wider uz gegan.
Da er wol enphangen von einer vrowen wol getan.
Er under stuont ir vrage der si hete getan.
10 Er hal si sit vil lange daz er ir hete braht.
Unz si under krone in sine lande gie.
Swaz er ir geben folde wie luzel er ez beliben lie.
Der wirt wart an dem morgen verre baz genuot.
Danner vore were des wart diu froude guot.
15 In allen den landen von manigen edel man.
Die er ze hove ladete den wart vil dienst getan.
Diu hocheit diu werte den vierzehenden tag.
Daz in al der wile nie der schal gelach.
Von aller hande vrouden der ieman folde pflegen.
20 Da wart des kuniges koste viel harte hohe gewegen.

2521 Des edelen wirtes mage als ez der kunich gebot.
Gaben durch sin ere kleider unde golt vil rot.
Ros unde darzuo silber manigen künen man.
Die herren die dar kómen schieden frolichen dan.
25 Und der kunich sifrit uzer nider lant.
Mit tusend sinen mannen allez ir gewant.
Daz si dar brahten daz wart gar hingegeben.
Schóniu ros mit fetelen si kunden herlichen leben.
30 E daz man die rike gabe da verfwanch.
Die da wolden ce lande duhte des ce lanct.
Ez wart nie gefindes mere baz geflegen.
So endete sich diu hocheit ez leit von dannen manie degen.

WIE SIFRIT ZE LANDE MIT SINEM WIBE KEM.

2533 **D**o die gestte warn alle dan gevarn.
Do sprach zuo sin gefinde sigmundes barn.
35 Wir suln ouch uns bereiten heim in unser lant.
Liep was ez sinem wibe do ez diu vrowe rehte ervant.
Die fursten zuo im giengen und sprachen alle dri.
Wizzet kunich sifrit daz iu immer si.
Mit triwen unser dienst bereit unz in den tot.
40 Do neig er den herren do man imz so gütlich erbot.
Wir suln ouch mit iu teilen sprach gifelher daz kint.
Lant unde burge die unser eigen sint.
Swaz uns der witene mac wesen undertan.
Der silt ir teil vil guoten mit samt kriemhilde han.
45 Der sin sigmundes zuo den fursten sprach.
Do er der herren willen gehörte unde gesach.
Got laz iu iwer erbe immer selich sin.
In tuon ich ir ze rate mit der lieben vrowen min.
Do sprach diu vrowe kriemhilt habet ir der erben rat.

2550 Umbe burgonden degene ez niht so lihte stat.
Si mug ein kunich gerne fuoren in sin lant.
Ja sol si mit mir teilen miner lieben bruoder hant.
Do sprach der herre gernot nim dir swen du wil.
Die gerne mit dir riten der vindest du hie vil.
55 Uz drizech hundert reken nim dir tusent man.
Die sin din heimgefinde kriemhilt senden began.
Nach hagenen von trony unde nach ortwin.
Ob die und ir mage kriemhilde wolden sin.
Darumbe gewan hagene zorneclichez leben.
60 Er sprach ia mag uns gunther nimmer hingegeben.
Ander ingefinde lat iu volgen mire.
Wan ir wol bekennet der tronyere site.
Wir suln ir langen dienen den wir hergevolget han.
Wir muozen bi den kunigen hie ze houe bestan.
65 Daz liezen si beliben unde bereiten sich dan.
Ir edel ingefinde diu kriemhilt zuo ir gewan.
Zwo und drizech meide und funf hundert man.
Ekehart der graue volgete kriemhilde dan.
Urlop si do namen beidiu riter unde knecht.

- 2570 Meite unde vrowen daz was vil michel reht.
Gefcheiden kyssende wurden si ze hant.
Si rumten vrolichen des kunich gunthers lant.
Do beleiten si ir mage verre uf den wegen.
Man hiez in allenthalben ir naht selde legen.
- 75 Swaz si gerne namen durch der kunige lant.
Boten wurden balde figmunde dan gefant.
Daz er wizen folde und frou sigelint.
Daz sin sun kome unde vrou uoten kint.
Kriemhilt diu vil schone von wormez uber rin.
- 80 Do kunden in diu mere nimmer lieber gefin.
Wol mich sprach do figmunt daz ich gelebet han.
Daz diu schone chriemhilt sol hie gekronet gan.
Des muosen wol getiwert sin diu erbe min.
Min sun sifrit sol hie selbe kunich sin.
- 85 Do gap diu vrowe siglint manigen samit rot.
Silber unde golt swere was ir boten brot.
Si vrouete sich der mere diu si do vernam.
Sich chleiderete ir gefinde mit flize wol als in gezam.
Man seite wer da kome mit im in daz lant.
- 90 Do hiez si gefidele rihten sa ze hant.
Daz zuo er gekronet vor vriunden folde gan.
Do riten in engogene des kunich figmundes man.
Ist ieman baz emphanen dest mir unbekant.
Danne die holde in figmundes lant.
- 95 Siglint diu schone kriemhilde gegen reit.
Mit maniger schonen frouwen und ritteren gemeit.
In einer tageweide da man die geste sach.
Die kunden und die vrenden liten ungemach.
Unze sie komen zeiner burge wit.
- 2600 Diu was geheizen santen da si krone truogen sit.
Mit lachendem munde Siglint und figmunt.
Kuffen kriemhilde durch liebe manige stunt.
Und ouch sifriden in was ir leit benomen.
Allez ir gefinde was in grozlichen willekomen.
- 5 Man bat die geste bringen fur figmundes sal.
Die schonen iunchvrowen huop man da ze tal.
Nider von den moren da was manich man.
Der den schonen wiben mit flize dienen began.
Dos in ir grozen eren sazzen und heten genuoch.
- 10 Waz golt varwer gern ir ingefinde truoch.
Borten und edelgesteine verwiert wol darin.
Sus pfach vlizeclichen ir diu edel kunigin.
Do sprach vor sinen friunden der herre figmuot.
Den sifrides magen tuon ich allen kunt.
- 2615 Er sol vor disen reken mine krone tragen.
Diu mere horten gerne die von niderlanden sagen.
Er bevalch im sin krone gerichte unde lant.
Sit was er ir herre die er ze rehte vant.
Und dar er rihten folde daz wart also getan.
- 20 Daz man fere vorhte der schonen kriemhilde man.
In disen grozen eren lebt er daz ist war.
Und rihte ouch under krone an daz zehende iar.
Daz diu schone zrowe einen sun gewan.
Daz was des kuniges magen nach willen wol ergan.
- 25 Den ilte man do touffen und gap im einen namen.
Gunther nach sinen noheim des dorft er sich niht schamen.
Geriet er nach den magen daz wer im wol ergan.
Do zoch man in mit flize des was von schulden getan.
In denselben ziten starp vro siglint.
- 30 Do nam den gewalt mit alle der edelen uoten kint.
Der so riken vrowen ob landen wol gezam.
Daz klageten genuoge do si der tot von in genam.
Nu hete ouch dort die rine so wir horen sagen.
Bi gunther dem riken einen sun getragen.
- 35 Pruonhilt diu schone in Burgonden lant.
Durch des heldes liebe wart er sifrit genant.
Mere zallen ziten wart so vil geseit.
Wie rehte lobelichen die reken wol gemeit.
Lebeten zallen stunden in figmundes lant.
- 40 Alsam tet ouch gunther mit sinen magen uzerkant.
Daz lant der niblunge sifride diene hie.
Richer siner mage wart neheiner nie.
Und schilbundes reken und ir beider guot.
Des truoch der kune sifrit deste hoher sinen muot.
- 45 Hort den aller meisten den ie helt gewan.
Ane die es pflagen hete der kune man.
Den er vor eime berge mit siner hende erstreit.
Darumb er sluoch ce tode manigen riter gemeit.
Er hete den wunsch der eren unde were des niht geschehen.
- 50 So muose man von schulden dem edelen reken iehen.
Daz er were der beste der ie uf ors gefaz.
Man vorhte sine sterke und tet vil billichen daz.